

# ԱՉԴԱՐԱՐ

ՏԵՂԵԿԱՏՈՒ ԱՌԱՋՆՈՐԴԱՐԱՆԻ ԶՈՒՅԹԻ ԵՒ ՇՐՋԱԿԱՅԻՑ ՀԱՅՈՑ ԹԵՄԻՆ  
P.O.Box: 8157, Salmiyeh 22052- Kuwait. Tel: 965-25614392, Fax: 965-25638312, e-mail: prelacy@armenianprelacykw.org

ՆՈՐ ՇՐՋԱՆ, Է. Տարի, Թիւ 298, Ուրբաթ, 28 ՕԳՈՍՏՈՍ, 2015

ՀԱՅԿԱԿԱՆ

## ՄԻՍԻ ԿԱԹՈՂԻԿՈՍԱՐԱՆԷՆ ՀՆՉԵՑ ՊԱՀԱՆՋԱՏԻՐԱԿԱՆ ՁԱՅՆԸ

«Հայու քրտինքով ու արինով թրծուած կիլիկեան հողին ու յատկապէս Միսի պատմական Կաթողիկոսարանի միւռնաբոյր հողին վրայ կանգնած՝ մեր դարաւոր Կաթողիկոսարանին վերադարձը կը պահանջենք եւ մեր ժողովուրդի պահանջատիրութիւնը կը վերահաստատենք, հաւատարիմ նահատակներու սրբազան կտակին»: Ն.Ս.Օ.Տ.Տ. Արամ Ա. Կաթողիկոսին խոր հաւատքին, ամուր կամքին ու զօրեղ յանձնառութեան արտայայտութիւնը եղող այս բառերը հնչեցին Միսի պատմական Կաթողիկոսարանէն՝ հայ ժողովուրդին ուղղուած Հայրապետական պատգամին ճամբով:



Վեհափառ Հայրապետին թելադրութեամբ Մեծի Տանն Կիլիկիոյ Կաթողիկոսութեան Միաբանութիւնը ներկայացնող պատուիրակութիւն մը, Շաբաթ, 22 Օգոստոս 2015-ին այցելեց Միսի Կաթողիկոսարանը, ուր տեղի ունեցաւ հոգեհանգիստ՝ 1293-էն Հայոց Կաթողիկոսութեան Միս հաստատուելէն մինչեւ 1915 Միսի մէջ գահակալած երջանկայիշատակ հայրապետներուն հոգիներուն համար:

Ապա, կարդացուեցաւ Նորին Սրբութեան պատգամը: Արդարեւ, 100 տարիներ յետոյ Միսի Կաթողիկոսարանի փլատակներուն մէջ առաջին անգամ կը հնչէր Հայրապետական պատգամ ուղղուած մեր ժողովուրդին:

Իր Հայրապետական պատգամին մէջ Նորին Սրբութիւնը անդրադառնալէ ետք Հայոց Տեղասպանութեան եւ սրտաճմլիկ պայմաններու մէջ իր ժողովուրդին հետ Սահակ




Կաթողիկոսի աքսորին, յիշեց իր ժողովուրդի իրաւունքները պահանջելու ծերունագարդ Հայրապետին արի կեցուածքը եւ ամբողջական ու անկախ Հայաստանի իր մարգարեատեսիլ բառերը: Ապա, Արամ Ա. Կաթողիկոս վերահաստատեց Մեծի Տանն Կիլիկիոյ Կաթողիկոսութեան յանձնառութիւնը, որպէս պահանջատէր Միսի Կաթողիկոսարանին եւ հայ ժողովուրդի արդար իրաւունքներուն:

Միսի Կաթողիկոսարան մեկնած միաբանական պատուիրակութեան մաս կը կազմէին՝ Կիպրոսի Հայոց Առաջնորդ Գերշ. Տ. Նարեկ Արք.

Ալեկմեզեան, Միջ-եկեղեցական յարաբերութեանց վարիչ Գերայ. Տ. Յուսիկ Ծ. Վրդ. Մարտիրոսեան, Դպրեվանքի տեսուչ Հոգշ. Տ. Թորգոմ Վրդ. Տոնոյեան եւ Լսատեսողական բաժանմունքի վարիչ Հոգշ. Տ. Պետրոս Վրդ. Մանուէլեան:

Ն.Ս.Օ.Տ.Տ. Արամ Ա. Կաթողիկոսին Հայրապետական պատգամին բնագիրը, ինչպէս նաեւ պատուիրակութեան այցելութեան տեսերիզը պիտի հրապարակուի յառաջիկայ մի քանի օրերուն:

## **ՀՅԴ-ի Ներկայացուցիչները Հանդիպում Ունեցան Նախագահ Սերժ Սարգսեանին Հետ**



Սահմանադրական բարեփոխումներուն առնչութեամբ քաղաքական ուժերուն հետ խորհրդակցութիւններու շարքին, 26 Օգոստոսին Հայաստանի նախագահ Սերժ Սարգսեան հանդիպում ունեցաւ Հայ յեղափոխական դաշնակցութեան (ՀՅԴ) ներկայացուցիչներ Արմէն Ռուստամեանի, Ադուան Վարդանեանի եւ Արսէն Համբարձումեանի հետ:

Քննարկուեցաւ սահմանադրական բարեփոխումներու ընդհանուր հոլովոյթը,

անդրադարձ կատարուեցաւ Հայաստանի նախագահին առընթեր Սահմանադրական բարեփոխումներու մասնագիտական յանձնախումբին մշակած Սահմանադրութեան փոփոխութիւններու նախագիծին մէջ ամրագրուած մօտեցումներուն եւ նախագիծին առանձին կէտերուն:

ՀՅԴ ներկայացուցիչները պատրաստակամութիւն յայտնեցին Հայաստանի Ազգային ժողովին մէջ շարունակելու աշխուժ եւ համակողմանի քննարկումները Սահմանադրութեան փոփոխութեան նախագիծին շուրջ, որուն մէջ, ըստ անոնց, տեղ գտած են երկրին զարգացումը ապահովող՝ իրենց համար կարեւոր հիմնական շեշտադրումներն ու ՀՅԴ մօտեցումները:

ՀՅԴ Հայաստանի Գերագոյն մարմինի ներկայացուցիչ, Ազգային ժողովի ՀՅԴ խմբակցութեան քարտուղար Ադուան Վարդանեան հանդիպումին մասին խօսելով ըսած է, որ իրենք գոհ են այդ հանդիպումէն. «Մեր տեսակէտները հիմնական բոլոր ուղղութիւններով կը համընկնին»:

«Հերթական քննարկումն էր: Մենք հիմնական բոլոր հարցերը նախապէս քննարկած ու համաձայնած ենք ոչ միայն նախագահի, այլ նաեւ սահմանադրական բարեփոխումներու մասնագիտական յանձնախումբին հետ: Այսօրուան հանդիպումը դրական էր այն առումով, որ մեր տեսակէտները հիմնական բոլոր ուղղութիւններով կը համընկնին: Վստահաբար կան առաջարկներ, որ մենք պիտի ներկայացնենք Ազգային ժողովի քննարկումներուն ընթացքին, պիտի փորձենք ապացուցել, որ մեր առաջարկները տրամաբանական են եւ ճիշդ», հաստատած է Ա. Վարդանեան:

Արսէն Համբարձումեան News.am-ի հետ ունեցած զրոյցի մը ընթացքին յայտնած է, որ տեսակցութեան ընթացքին ամփոփուած են սահմանադրական բարեփոխումներուն վերաբերեալ կատարուած աշխատանքները:

«Այդ շարքին քննարկած ենք, թե ՀՅԴ-ի կողմէ կատարուած առաջարկները որքանով ընդունուած են: Մեր առջեւ գտնուող բոլոր հիմնական սկզբունքային հարցերը իրենց արտացոլումը գտած են Սահմանադրութեան նոր նախագիծին մէջ: Վստահաբար, կան առաջարկներ, որոնք խմբագրական բնոյթի են, զանոնք պիտի ներկայացնենք Ազգային ժողովին», ըսած է ան:

Ըստ անոր, որոշ անդրադարձ կատարուած է նաեւ երկու հանգրուանի ընտրութիւններու դրոյթին: Այնուամենայնիւ, ՀՅԴ-ն այդ դրոյթին վերաբերեալ չունի այնպիսի մտահոգութիւններ, զորս ունին որոշ քաղաքական ուժեր:

Նշենք, որ նախագահ Սերժ Սարգսեան 26 Օգոստոսին սկսած է քաղաքական խորհրդակցութիւններու քաղաքական ուժերուն հետ՝ սահմանադրական բարեփոխումներուն առնչուած:

## **Նախագահին Հանդիպումը Բարգաւաճ Հայաստան Կուսակցութեան Ներկայացուցիչներուն Հետ**



Հայաստանի Հանրապետութեան նախագահի նստավայրին մէջ սկսած են սահմանադրական բարեփոխումներուն շուրջ քաղաքական ուժերուն հետ նախագահ Սերժ Սարգսեանի հանդիպումները:

Նախագահի աշխատակազմի տեղեկատուութեան եւ հասարակութեան հետ կապերու վարչութեան փոխանցումով՝ այդ հոլովոյթին ծիրին մէջ

նախագահը հանդիպում ունեցած է Բարգաւաճ Հայաստան կուսակցութեան ներկայացուցիչներ Նայիրա Զոհրապեանի, Միքայէլ Մելքումեանի, Աբրահամ Մանուկեանի, Վահան Բաբայեանի եւ Վարդան Վարդանեանի հետ:

Քննարկուած է Սահմանադրական բարեփոխումներուն ընդհանուր հոլովոյթը, անդրադարձ եղած է նախագահին առընթեր Սահմանադրական բարեփոխումներուն մասնագիտական յանձնախումբին կողմէ մշակուած Սահմանադրութեան փոփոխութիւններու նախագիծին մէջ տեղ գտած առանձին դրոյթներուն:

Հանդիպումին մասնակիցները խօսած են Ազգային ժողովին մէջ աշխուժ եւ համակողմանի քննարկումներու կարեւորութեան մասին:

## **Հանդիպում՝ Օրինաց Երկիր Կուսակցութեան Ներկայացուցիչներուն Հետ**

Նախագահ Սերժ Սարգսեանը սահմանադրական բարեփոխումներուն շուրջ խորհրդակցութիւններու ծիրին մէջ հանդիպում ունեցած է Օրինաց երկիր կուսակցութեան

ներկայացուցիչներ Մհեր Շահգեղեանի, Յովհաննէս Մարգարեանի, Իշխան Խաչատրեանի եւ Արմէն Յարութիւնեանի հետ:

«Քննարկուած է սահմանադրական բարեփոխումներուն ընդհանուր հոլովոյթը, անդրադարձ կատարուած է Հայաստանի Հանրապետութեան նախագահին առընթեր Սահմանադրական բարեփոխումների մասնագիտական յանձնախումբին կողմէ մշակուած Սահմանադրութեան փոփոխութիւններու նախագիծին մէջ ամրագրուած մօտեցումներուն», յայտնած է նախագահի պաշտօնական կայքը:

Ըստ հաղորդագրութեան, հանդիպումին մասնակիցները նախագահին ներկայացուցած են «Հայկական վերածնունդ» հասարակական-քաղաքական միաւորման մօտեցումները Սահմանադրութեան փոփոխութիւններուն նախագիծին մէջ տեղ գտած առանձին դրոյթներուն վերաբերեալ եւ կարելոր նկատած են Հայաստանի Հանրապետութեան Ազգային ժողովին մէջ Սահմանադրութեան փոփոխութիւններու նախագիծին շուրջ աշխուժ քննարկումները:

## **Վանի Ս. Գէորգ Հայկական Վանքը Կը Սպասէ Վերանորոգման**

«Արմէնփրես»՝ վկայակոչելով թրքական «Պեթանուճէ» կայքը, կը հաղորդէ, որ Պահչեսարայ գաւառին մէջ 1400 մէթր բարձրութեան վրայ լերան մէջ կառուցուած հայկական Ս. Գէորգ վանքը, Հայոց ցեղասպանութենէն ետք թալանուել է եւ լքուել է ետք կը սպասէ վերանորոգման եւ վերաբացման:

Հակառակ ցեղասպանութենէն անցած հարիւր տարիներուն, վանքը կը պահպանէ իր նախկին շքեղութիւնը: Լերան քարանձախն մէջ կառուցուած վանքը կարելոր ճարտարապետական արժէք կը ներկայացնէ: Աղրով լերան հարաւային լանջին վրայ գտնուող վանքը յայտնի է նաեւ Պտղեվանք անունով: Վանքի կառուցման ճշգրիտ թուականը յայտնի չէ: Կ'ենթադրուի, որ կառուցուած է Արծրունիներու թագաւորութեան ժամանակ:

Բրիտանական թանգարանին մէջ գտնուող 1317 թուականի ձեռագիրի մը համաձայն, Ս. Գէորգ վանքը 14-րդ դարուն եղած է Վասպուրականի կարելոր կրթական եւ մշակութային կեդրոններէն մէկը:

Հակառակ գանձ փնտռողներու կողմէ թալանուելուն եւ մասնակի անեղծման, տեղւոյն բնակչութիւնը կ'ուզէ, որ տակաւին կանգուն եղող վանքը վերանորոգուի եւ քրիստոնէաներուն համար վերաբացուի իբրեւ աղօթավայր:

Քրտական Դեմոկրատական շրջանային կուսակցութենէն Պահչեսարայի քաղաքային խորհուրդի անդամ Էհտեմիր Էլպիր կայքին հետ զրոյցի մը ընթացքին ըսած է, որ Հայոց ցեղասպանութենէն ետք շրջանին մէջ գտնուող հայկական եկեղեցիներն ու վանքերը թալանուած եւ անեղծ են թէ՛ իշխող վարչակարգին, թէ՛ ալ գանձ փնտռողներու կողմէ:

«Այստեղ գտնուող եկեղեցիներն ու վանքերը շատ կարելոր են եւ կը հանդիսանան շրջանի հարստութիւնը: Կրօնական տեսակէտէ անոնք բոլորը սրբավայրեր են, որոնց վերականգնումն ու պահպանութիւնը բոլորիս պարտականութիւնն է: Մենք կոչ կ'ուղղենք թրքական պետութեան ու քրիստոնէայ համայնքին վերականգնելու վանքը, զայն դարձեալ բերելու իր նախկին շքեղ տեսքին եւ վերաբանալու իբրեւ քրիստոնէական աղօթատեղի», ըսած է Էլպիր:



## Ազրայէճանական Կողմը Օգտագործած Է Թրքական Զինատեսակներ

24 Օգոստոսին 25 Օգոստոս լուսցած գիշերը եւ օրուան ընթացքին դարաբաղեան-ազրայէճանական տագնապի զօրքերու շփման գիծին վրայ հակառակորդը շարունակած է տարբեր տրամաչափի հրետանային եւ հրաձգային զենքերով խախտել զինադադարի դրութիւնը: Այս մասին յայտնած են Լեռնային Ղարաբաղի Հանրապետութեան պաշտպանութեան նախարարութեան մամլոյ ծառայութենէն:

«Բացի 60, 82 եւ 120 միլլիմէթրոց ակնանետերէ (շուրջ 110 արկ) ազրայէճանական կողմը արեւելեան ուղղութեամբ կիրարկած է նաեւ թրքական արտադրութեան TP-107 տիպի հեռահար հրթիռահրետանային կայանք: Պաշտպանութեան բանակի յառաջապահ ստորաբաժանումները պատասխան կրակով ճնշած են հակառակորդի աշխուժութիւնը եւ կը շարունակեն վստահօրէն վերահսկել ամբողջ առաջնագիծը», նշուած է հաղորդագրութեան մէջ:

## Նախագահը Քննարկման Հրաւիրած Է Ժառանգութիւն Կուսակցութիւնը

Ժառանգութիւն կուսակցութեան փոխնախագահ Արմէն Մարտիրոսեան «Ազատութիւն» ձայնասփիւռի կայանին փոխանցեց, որ կուսակցութիւնը Հայաստանի Հանրապետութեան նախագահի աշխատակազմի ղեկավար Վիգէն Մարգսեանէն հրաւեր ստացած է՝ նախագահ Սերժ Մարգսեանին հետ քննարկելու սահմանադրական բարեփոխումներուն նախագիծը:

Խորհրդարանական ուժերէն միայն Հայ ազգային քննկրեսը մերժած է նախագահին առաջարկը: Ժառանգութիւն կուսակցութիւնը, ըստ Մարտիրոսեանի, ընդունելու-չընդունելու հարցը պիտի քննարկէ այսօր՝ կուսակցութեան վարչութեան նիստին ընթացքին:

## Արցախի Նախագահը Այցելած Է Հիւսիսային Զօրամասեր

Լեռնային Ղարաբաղի Հանրապետութեան նախագահ Բակօ Սահակեան 26 Օգոստոսին այցելած է հանրապետութեան հիւսիսային հատուածին մէջ տեղակայուած շարք մը զօրամասեր:



Նախագահ Սահակեան ծանօթացած է ծառայութեան ընթացքին եւ պայմաններուն, նաեւ՝ զինուորներուն առօրեային:

Երկրին ղեկավարը ընդգծած է, որ պաշտպանութեան բանակի մարտունակութեան հետեւողական բարձրացումը, նոր ռազմատեսականիով համալրումը միշտ ալ եղած են ու կը մնան պետութեան կարելորագոյն առաջադրանքներէն, այդ առումով ալ ամէն ինչ կը կատարուի այս ուղղութեամբ:

Նախագահին կ'ընկերակցէին պաշտպանութեան նախարար Լեւոն Մնացականեան, պաշտօնատար այլ անձեր:

**ՄԻՋԱԶԳԱՅԻՆ**

**«Ընտրությունները Կայունության Եւ Քառսի Միջեւ  
Ընտրություն Մը Պիտի Ըլլան» Կ'ըսէ Էրտողան**

Թուրքիոյ նախագահ Ռեճեփ Թայիփ Էրտողան յայտնեց. «Կանխահաս ընտրությունները, որոնք յառաջիկայ մէկ նոյեմբերին տեղի պիտի ունենան Թուրքիոյ մէջ, կայունութեան եւ քառսի միջեւ ընտրություն մը պիտի ըլլան»:



«Թուրքիոյ մէջ եւ անկէ դուրս գտնուող կողմերուն հաճելի չէ Թուրքիոյ ներկայ ուժը, եւ իրենց ամբողջ ջանքը կը թափեն երկրին մէջ սադրանքի սերմեր ցանելու համար», ըսաւ ան:

Պատասխանելով ընդդիմութեան այն ամբաստանութեան, թէ ինք արգելակած է համախոհական կառավարութեան կազմութիւնը, Էրտողան յայտնեց. «Նախ եւ առաջ կ'ուզեմ յստակ դարձնել, որ նախագահի լիազօրութիւնները յստակ են, եւ ես անոնց ծիրին մէջ կը գործեմ, նաեւ վարչապետի լիազօրութիւնները յստակ են, եւ ան կը գործէ անոնց ծիրին մէջ»՝ աւելցնելով, որ այդ առնչութեամբ իրեն ուղղուած բոլոր ամբաստանութիւնները չեն համապատասխաներ իրականութեան:

«Անոնք, որոնք ժողովուրդին իրատեսական լուծումներ չկրցան ներկայացնել, կը փորձեն զիս թիրախ դարձնելով պատասխանատուութենէ փախուստ տալ, երբ ես ընտրություններուն պիտի չմասնակցիմ», ըսաւ ան՝ հարց տալով. «Մեծամասնութիւն գոյացնող եւ խորհրդարանին վստահութեան արժանանալու կարող կառավարութիւն մը կազմուեցաւ եւ ես արգէ լք հանդիսացայ: Ես ի սկզբանէ զիս այդ մէկը կատարել արտօնող իշխանութիւն չունիմ»:

**Ուաշինկթընի Ակնկալութիւնը՝ Ազատ, Անկախ  
Եւ Հաւաստի Ընտրություններ Են**

«Թուտեյզ Զաման» կը հաղորդէ, որ Միացեալ Նահանգներու արտաքին գործոց նախարարութեան բանբեր Ճոն Քըրպի երկուշաբթի օր յայտնած է, որ իր երկիրը մօտէն կը հետեւի Թուրքիոյ մէջ քաղաքական զարգացումներուն, ճիշդ ինչպէս կը հետեւի այլ երկիրներու քաղաքական զարգացումներուն:

«Կը կարծեմ մեր կեցուածքը, դարձեալ, ամբողջ աշխարհի տարածքին ի նպաստ ներառական եւ ներկայացուցչական կառավարութեան, ինչպէս նաեւ արդար, ազատ եւ հաւաստի ընտրություններուն է: Ատիկա հաստատ է: Ատիկա կը պնդենք ամբողջ աշխարհի տարածքին: Մակայն պիտի չխօսիմ իւրայատուկ կերպով Թուրքիոյ ներքին զարգացումներուն մասին», ըսած է ան:

«Կ'ուզենք տեսնել, որ Թուրքիան կը շարունակէ մնալ այն ուժեղ դաշնակիցն ու գործընկերը, որ այսօր է, եւ մօտէն պիտի հետեւինք եւ յառաջ ընթանալու համար պիտի աշխատինք թրքական կառավարութեան հետ», նշած է Քըրպի:

## Փութին-Սիսիի Հանդիպումին Ընթացքին. Ռուսիոյ, Եգիպտոսի Եւ Սուրիոյ Մասնակցութեամբ Ահաբեկչութեան Ղեմ Պայքարի Շրջանային Ճակատի Մը Հաստատման Շուրջ Համաձայնութիւն



Ռուսիոյ նախագահ Վլատիմիր Փութին Չորեքշաբթի օր Քրեմլինի մէջ Եգիպտոսի նախագահ Ապտել Ֆաթթահ Սիսիի հետ իր հանդիպումէն ետք տեղի ունեցած միացեալ մամլոյ ասուլիսի մը ընթացքին յայտարարեց, որ Եգիպտոսի նախագահին հետ գոյացուցած է համաձայնութիւն երկու երկիրներուն միջեւ տնտեսական գործակցութիւնը ամրապնդող քայլերու շուրջ, որոնց

շարքին՝ Եգիպտոսի, Արաբական Միացեալ Էմիրութիւններու եւ Ռուսիոյ միջեւ հասարակաց ծրագիրներու ֆոնտի մը հաստատումը:

«Գոյութիւն ունի համաձայնութիւն պայքարելու ահաբեկչութեան եւ ծայրայեղական կազմակերպութիւններու տարածման դէմ», ըսաւ Փութին՝ նշելով. «Համաձայնութիւն գոյացուցինք ահաբեկչութեան դէմ պայքարելու համար Ռուսիոյ, Եգիպտոսի եւ Սուրիոյ մասնակցութեամբ շրջանային լայն ճակատ մը ստեղծելու շուրջ»:

Ռուսիոյ նախագահը յայտնեց, որ իրենք նպատակ ունին Եգիպտոսի մէջ ռուսական ճարտարարուեստի շրջան հաստատելու՝ նշելով, որ Եգիպտոսի մէջ կը գործեն 400 ռուսական ընկերութիւններ: Համաձայնութիւն գոյացած է Եգիպտոսի հետ փոխադարձ առեւտուրը աճեցնելու եւ ատոր դիմաց ծառայող դժուարութիւնները վերացնելու, ինչպէս նաեւ Եգիպտոսի մէջ հիւլէական կայան մը կառուցելու:

«Եգիպտոսը ռուս զբօսաշրջիկներու համար վերածուած է արտասահմանեան լաւագոյն վայրի, եւ անցեալ տարի այդտեղ այցելած են 3,5 միլիոն ռուսեր», ըսաւ Փութին:

Եգիպտոսի նախագահ Ապտել Ֆաթթահ Սիսի իր կարգին յայտարարեց, որ Եգիպտոսի ժողովուրդը նախանձախնդիր է տարբեր մարզերու մէջ Ռուսիոյ հետ գործակցութեան նկատմամբ:

Ան մասնաւորաբար շեշտեց ահաբեկչութեան դէմ պայքարին մէջ երկու երկիրներուն միջեւ գործակցութեան կարեւորութիւնը:

# WWW.AZTAGDAILY.COM

## Ուաշինկթոն. «Թուրքիոյ Հետ Համաձայնութիւնը Թոյժքներու Արգիլեալ Գօտիի Կամ Ապահովական Գօտիի Ստեղծման Կէտ Չի Պարունակեր»

Միացեալ Նահանգներու արտաքին գործոց նախարարութիւնը յայտնեց, որ Ուաշինկթոնի եւ Անգարայի միջեւ վերջերս գոյացած համաձայնութիւնը Սուրիոյ մէջ ո՛չ թոյժքներու արգիլեալ գօտիի հաստատումի կէտ կը պարունակէ, ո՛չ ալ՝ ապահովական գօտիի ստեղծման: Փենթակոնի բանբերը իր կարգին հաստատեց, որ Ուաշինկթոն եւ Անգարա ՏԱՀԵՇ-ի դէմ դաշինքին միանալու վերջինիս համաձայնութիւնը վերջնականացուցած են:



Արտաքին գործոց նախարարութեան բանբեր Ճոն Բըրպի յայտնեց. «Թուրքիոյ հետ վերջերս գոյացած համաձայնութիւնը Սուրիոյ մէջ ապահովական գօտի ստեղծելու առնչութեամբ որեւէ կէտ չի պարունակեր»:

Միացեալ Նահանգներու պաշտպանութեան նախարարութեան բանբեր Փիթըր Բուք իր կարգին հաստատեց, որ Ուաշինկթոնի եւ Անգարայի միջեւ բանակցութիւնները թոյժքներու արգիլեալ գօտիի ստեղծումին չեն վերաբերիր:

Բուք նշեց, որ Թուրքիա արդէն թեքնիք գետնի վրայ պատրաստ է միջազգային դաշինքին Սուրիոյ եւ Իրաքի մէջ ՏԱՀԵՇ-ի դէմ օդային հարուածներուն մասնակցելու: «Ուաշինկթոն եւ Անգարա վերջնականացուցին Թուրքիոյ՝ ՏԱՀԵՇ-ի դէմ Ուաշինկթոնի գլխաւորած դաշինքին միանալու հարցը»:



Թուրք պաշտօնատարներ յաճախ կը խօսին Սուրիոյ մէջ ապահովական գօտիի մը կամ թոյժքներու արգիլեալ գօտիի մը ստեղծման շուրջ Ուաշինկթոնի հետ համաձայնութեան մասին: Այդ յայտարարութիւններէն վերջինը 11 Օգոստոսին կատարեց Թուրքիոյ արտաքին գործոց փոխնախարար Սինիրլիօղլու: «Այդ տարածքին մէջ պիտի գտնուին արաբ ու թիւրքմեն բնակիչներ, եւ անոնք բոլորն ալ պիտի ըլլան օդուծի պաշտպանութեան տակ, եթէ ՏԱՀԵՇ-ի, (քրտական) Ժողովրդավարական միութիւն կուսակցութեան կամ Ասատի վարչակարգի ուժերուն կողմէ յարձակումի ենթարկուին», ըսած էր ան:

# WWW.AZTARAR.COM



ԱՆԴՐԱԴՐՁ

## Սահմանադրութիւնը՝ Իրաւական Գերակայ Փաստաթուղթ



Հայաստանի Հանրապետութեան Սահմանադրութեան բարեփոխման նախագիծին մէջ ներառուած իրաւադրոյթներուն շուրջ, յայտնաբար տակաւին բանավեճ պիտի ծաւալի: Մինչ այժմ քաղաքական դաշտի մէջ երեւցած բանավեճը անուղղակի է մեծաւ մասամբ: Հազուագիւտ են քննարկման այն միջավայրերը, ուր յօդուած առ յօդուած, համեմատական տրամաբանութեամբ եւ առաջարկուած փոփոխութեան ունենալիք ազդեցութեանց եւ հետեւանքներուն մասին տեսակէտներ կը բարձրաձայնուին եւ խորքային

վերլուծումներ կը կատարուին:

Ինքը՝ Սահմանադրութիւնը օրէնսդրական փաստաթուղթ է եւ սահմանադրագիտական մօտեցումը պարտադիր է: Իրաւագիտական հարթութեան վրայ գուցէ նաեւ նեղ մասնագիտական առումով քննարկումներու հանրայնացումը նախ եւ առաջ ակնկալելի է, որդէգրելի գերակայ այս իրաւաթուղթին պետականաշինութեան գործընթացի կայացման մէջ ունենալիք դերակատարութիւնը ճիշդ ըմբռնելու համար:

Ահա այստեղ է, որ քաղաքականացուած մօտեցումը պետք է նահանջէ: Մինչ այժմ կը բացակային իրաւագիտական քննարկումները, որոնք իրենց տեղը զիջած են բացառապէս քաղաքականին: Բնական է նաեւ, որ քաղաքական բաժինը զուգորդուի, շարժառիթային ազդեցութիւն ունենայ կամ տեսակէտներու արտայայտման ընթացքին ենթաթեքսթային նշանակութեամբ ինքզինք զգալի դարձնէ, այնուամենայնիւ բացառապէս Սահմանադրութեան փոփոխութիւնը քաղաքականացնելը օգտակար չ'ըլլար պետութեան հիմքերը հանդիսացող Սահմանադրութեան ընկալման հարցին մէջ:

Հիմնարար երեք սկզբունք կը ներառուի բարեփոխուած տարբերակին մէջ.

Ա. Այսօրուան գործող կիսանախագահական դրութիւնը կը վերածուի կառավարման խորհրդարանական համակարգի:

Բ. Ընտրակարգը բացարձակ անցում կը կատարէ հարիւր առ հարիւր համամասնականի:

Գ. Իշխանութիւն-ընդդիմութիւն իրար հակակշռման մեքենականութիւնը կը յստակացուի, այն առումով, որ ընդդիմութիւնը կ'ունենայ իրողաիրաւական լծակներ՝ հակակշռելու իշխանութիւնը:

Այս երեք սկզբունքները տեսականօրէն երկրի յաւելեալ ժողովրդավարացման նպաստող կէտեր են: Ի տարբերութիւն առաջին Սահմանադրութեան, գործող Սահմանադրութիւնը արդէն իսկ սահմանափակած էր նախագահի լիազօրութիւնները՝ իրաւասութիւններէն որոշակի մաս բաշխելով վարչապետին եւ խորհրդարանին յատկապէս: Քննարկման սեղանին դրուած տարբերակը յառաջիկայ նախագահին կու տայ զուտ արարողակարգային լիազօրութիւններ՝

երկրի ղեկավարման հիմնական լիազորությունը հաւաքականացնելով եւ զայն վերապահելով Ազգային ժողովին: Իր ընդհանուր գիծերուն մէջ, որոշումներու հիմնական պատասխանատուն կը դառնայ Ազգային ժողովը, իսկ գործադրութեան պատասխանատուն՝ կառավարութիւնը: Աւելի պարզ բանաձեւումով՝ որոշողը Ազգային ժողովն է՝ Ազգային ժողովի նախագահին գլխաւորութեամբ, գործադրողը կառավարութիւնը՝ վարչապետին ղեկավարութեամբ, եւ արարողապետը՝ երկրի նախագահը: Գործառոյթներու այս յստակ բաժանումն ու մանաւանդ որոշումներու հաւաքականացումը գլխիվայր կը շրջէ միանձնեայ ղեկավարի դրութենէն բխած ամէն տեսակի անպատեհություններն ու ժողովրդավարութեան անյարիր երեւոյթները:

Ընտրակարգի բացարձակ համամասնականացումը հիմնովին կը նպաստէ երկրի քաղաքական դաշտի բիրեղացման: Փաստ է, որ խորհրդարանական քննարկումներուն չմասնակցողներուն, նիստերուն բացակայողներուն եւ պատուէր-կոճակ մեքենականութեան մէջ տեղաւորուողներուն կարելորագոյն բաժինը Ազգային ժողով մուտք գործած է մեծամասնական ընտրակարգով: Հարստապետական կարգերու հաստատման ու կայացման իրաւական նկատառելի եղանակ է ընտրակարգի մեծամասնական չափաբաժինը, որ լիարժէք կ'օգտագործուէր թէկուզ տեսքով անկուսակցական, այնուամենայնիւ իշխող այս կամ այն ուժին հետ սերտաճած սակաւապետութեան ներկայացուցիչներուն կողմէ: Բնականաբար կարելի չէ ամուր կերպով հաստատել, որ նման կազմաւորումի եւ դիրքերու տէր մարդոց մուտքը լրիւ կ'արգելափակուի համամասնական ընտրակարգի առաջադրուած ձեւով, այսուհանդերձ պարզ է, որ որոշակի սահմանափակման կ'ենթարկուի:

Ընդդիմութիւնը պետականութեան մաս կազմող քաղաքական հատուած է: Ընդդիմութեան փոշիացումը, գործընթացներուն վրայ չազդելու այսօրուան պատկերը օգտակար չէ պետականութեան կայացման աշխատանքներուն: Հաշուետուութիւնը, հակակշռելի ըլլալը, ընդդիմութեան տեսակէտին հետ հաշուի նստիլը պետութիւն ղեկավարելու գործին մէջ անհրաժեշտութիւններ են, որոնք կրնան նպաստել կառավարական եւ խորհրդարանական աշխատանքներուն: Միանձնեայ եւ միակուսակցական գերակայութիւնները ոչ միայն յարիր չեն ժողովրդավար հասկացողութիւններուն, այլ նաեւ կը վնասեն յատկապէս համապետական եւ համազգային խնդիրներու լուծման աշխատանքներուն:

Գլխաւոր այս սկզբունքներէն զատ կան նաեւ ընդդիմութեան դերի ազդեցիկութեան նպաստող երկրորդ հանգրուանի դրութիւնը հաստատող իրաւական ամրագրումներ, վերապետական կազմակերպութիւններու անդամակցութեան կամ տարածքային հարցեր արծարծող համաձայնագիրներու կնքման պարագային հանրաքուէի դիմելու պարտադիր իրաւադրոյթներ: Այս միտումները եւս խորքին մէջ արգելակումներ են միանձնեայ եւ միակուսակցական հենքի վրայ տրուելիք որոշումներու:

Սահմանադրութիւնը պետականակայացման գործընթացին նպաստող ամէնէն հիմնարար իրաւաթուղթն է: Զայն քաղաքականացնելը կամ օրուան իշխանութիւններուն կողմէ նախաձեռնուած ըլլալուն համար անպայման ինքնավերարտադրանքի սահմաններուն մէջ քննարկելը մեղմ ըսելաձեւով չեն բխիր պետութեան շահերէն:

Սահմանադրութեան բարեփոխումները իրաւագիտական քննարկումներու բովէն անցնելը իրաւաչափ հրամայական է: Տեսակէտները, առարկութիւնները, հակադրուիլները օգտակար կ'ըլլան, եթէ բխին մեր երկրի վաղուան պատկերացումէն եւ ոչ անպայման այսօրուան իշխանութիւններէն եկած ամէն նախաձեռնութեան հակադրուելու քարացած մօտեցումներէն:

**WWW.TERT.AM**

ՆՈՐ ԱՇԽԱՐՀԸ

## Ինչպես Յաւերժ Ճանապարհորդել Առանց Նիւթական Խնդիր Ունենալու

Երբ պատկերացնում ես մի մարդու ով վարում է յարասն ճանապարհորդական կեանք, քո առաջին մտքերը հաւանաբար կը լինեն նիւթապէս ապահովուած մարդ, կամ էլ բազմամեայ ճանապարհորդութեան փորձ ունեցող՝ ում տարիքը վաղուց արդէն գերազանցել է երիտասարդական հոսթելների տեմոկրաֆիան, կամ Ջորջ Զլունին «Օդում»:

Ինչնէ, շարունակական ճանապարհորդութիւնը հասանելի է դառնում աւելի ու աւելի շատ թուով մարդկանց, որպէս փոքր բայց աճող թուով մարդիկ քամուն են տալիս աւանդական աշխատելաճճը և դառնում են «թուայնացուած թափառաշրջիկներ»: Սովորական մարդիկ, սովորական աշխատանքներով, ովքեր աշխատում են ճանապարհորդելու ընթացքում, այսպիսով երբեք կարիք չունենալով թոյլտուութիւն խնդրել հեռանալու կամ էլ ծախսել իրենց ողջ կանխիկ գումարը այդ միանգամեայ «կեանքի ուղեւորութեան» վրայ:



Չնայած այն հաշւարկներին, որ գոյութիւն ունեն միայն մի քանի հազարաւոր թուայնացուած թափառաշրջիկներ, կան հարիւրաւոր թուային թափառաշրջիկների պլոգներ, ֆորումներ և համայնքներ, և աւելի մեծ թուով «ցանկացողներ», որոնք յուսահատօրէն փնտռում են թէ ինչպէս թոթափեն օֆիսային աշխատանքի 9-5 աշխատանքային ժամի բեռը և միանան թափառաշրջիկ լեփթոփերով աշխատողների ցեղին:

Ուրեմն ի՞նչ է նշանակում թուային թափառաշրջիկ: Ահա շատ հակիրճ (և ոչ մի կերպ համապարփակ) օրինակ ինչպէ՞ս դառնալ թուային թափառաշրջիկ և ի՞նչ սպասել դրանից:

### Մարդիկ Հեռակայ Աշխատողներ



Ունէ՞ք աշխատանք, որը ամբողջապէս կարող էք անել տանից: Աւելի ու աւելի էք վրդովվում ամեն օր օֆիս գնալիս? Արա անհնարինը և ասա բոսիդ թէ արդյոք կարող էք փորձել կատարել ձեր աշխատանքը արտերկրից: Իհարկէ ձեզանից կպահանջվի տեխնիկական աշխատանքի որոշակի հմտութիւններ հեռակա ցանցային մուտքագրումներից մինչև լայնածավալ Google Hangouts-ով աշխատելը, բայց եթէ կարողանաք ապացուցել, որ ձեր աշխատանքը կարող էք անել այնքան լավ Փարիզում, որքան Մելբուրնում,

դուք ձեռք կբերէք աշխատավարձի քաղցր ապահովագրութիւնը, գումարած այդ անորսալի ազատութիւնը: Աւելին, որոշ աշխատակիցներ սկսում են գովազդել հեռակա աշխատանքային հնարաւորութիւնները (ներառեալ, յայտնի տեխնիկական ստարտ ափ Բուֆերը), ի նկատի ունենալով, որ կարիք չկա երբևէ բոսին դեմ առ դեմ հանդիպելու, և առաւել ևս նրա օֆիս գնալու:

## Ֆրիլանսերներ

Շատ թուային թափառաշրջիկներ նախընտրում են ֆրիլանսերի կեանքը աշխատանքային կեանքից: Այն պահանջում է շատ ջանք և ներառում է քիչ հաստատակամություն, բայց սա նաև նշանակում է, որ դու շատ ճկուն ես և կարող ես աւելի գումար պահանջել: Այսպիսի աշխատանքը նախատեսում է զարգացողների, շուկայական խորհրդատուների և քոֆիրայթրերի համար, բայց նաև կարող է իրագործուել իրաւաբանների, հաշուապահների, ինժինեթ-խորհրդատուների, թերապիստների և անշարժ գոյքի գործակալների կողմից: Ուղղակի պահանջում է մի քանի ստեղծագործ լուծումներ, մի քանի հիմնական յաճախորդներ և արժանապատիւ աշխատանքային էթիկա (չնայած չուտելու միտքը, երբ չես աշխատում սովորաբար լուծում է խնդիրը): Ֆրիլանսերական աշխատանքային կայքերը սկսնակների համար լաւ տեղ են հանդիսանում հիմնարար յաճախորդների աշխատանք ստեղծելու համար:

## Օնլայն ձեռներէցներ

Թերևս ամենացանկալի թուային թափառաշրջիկի զարիերայի ճանապարհը դա ձեռներէցութիւնն է: Նրանք թուային թափառաշրջիկների հասարակութեան ամենատեսանելի անդամներն են նրանք սովորաբար հանդիսանում են կենսակերպի անամոթ աւետարանիչներ, սովորաբար տաս հազարաւոր սոցիալական մեդիայի հետևորդներով, մեզա բլոգերով, գրքերով, ձայնագրութիւններով և կոնֆերանսի էլոյթներով վերագրուած իրենց անուններին, կարիք չկայ շատ հեռու գնալու նրանց գտնելու համար: Օնլայն ձեռներէցութիւնը յայտնի է մի քանի ձևերով բարձր ստարտափ կոնցեպցիաներից մինչև «ստեղծէք գումար օնլայն» խոստումների կարկատուած կողմերով և այս բոլորը ներկայացուած է թուային թափառաշրջիկների հասարակութիւնում:

## Առաւելութիւններ

Կան բազմաթիւ ակնյայտ առաւելութիւններ թուային թափառաշրջիկ լինելու մեջ: Ճանապարհորդութիւն, ազատութիւն, աւելի էժան ապրելակերպ (կախուած տեղից), ձեր ընտանիքի և ընկերների նախանձը, ընդլայնելով ձեր հորիզոնները և հասնելով աշխատանք-կեանք հաւասարակշռութեան ձեր սեփական տեսակէտին: Բանն աւարտում է նրանով, որ դուք հանդիպում էք այլ թուային թափառաշրջիկների, ովքեր տպաւորիչ և ոգեշնչող են, մարդիկ, որոնք նուիրում են տարօրինակ ապրելակերպին: Երբեք կարիք չունենալով գնալ աշխատանքի, գործ ունենալ ահաւոր գործատերի հետ կամ հաշտուել գրասենեակային ծաղրի հետ հաւանաբար երկարակեցութեան և ներքին խաղաղութեան գրաւականներն են:



## Ծուղակներ

Ինչևէ, կան նաև բազմաթիւ թաքնուած ծուղակներ: Օրինակ՝ երբ դու աշխատում ես ցանկացած բիզնես հիմնելու վրայ դու կը բացայայտես, որ դու աշխատում ես աւելի շատ ժամ քան կ'անէիր գրասենեակում: Եւ յետոյ, մենակութիւնը. դժուար է ընկերներ ձեռքբերելը, ինչպէս նաև պահել նրանց ու՛մ արդէն ունես, երբ դու անդադար ճանապարհորդում ես:



Ի պատասխան սրա, շատ թուային թափառաշրջիկներ ճանապարհորդում են, որպես զոյգեր; ինչպես նաև բազմաթիւ միայնակ տղամարդիկ կան և աւելի քիչ կանայք: Այս անհամապատասխանութիւնը կարող է հիմնուած լինել այն բանի վրա, որ թուային թափառաշրջիկների շարժումը գլղաւորել է լայնաթայլ գուրու Թիմ Ֆերիսը- ով յայտնի դարձավ 4-Ժամեայ Աշխատանքային Շաբաթ, ոգեշնչող ուղեցոյցով ստեղծելու յաւերժական բիզնես, որը կրերի 'պասիվ' եկամուտ, բայց ով նաև յայտնի է սեռական ոտնձգութիւններով: Ինչն էլ լինի պատճառը, թուային բրոմադների մաշոյական պոստերը թուային թափառաշրջիկների հասարակութիւնում միջոցներ են թէ օնլայն և թէ օֆֆլայն տարբերակներով:

Նաև չենք կարող հերքել, որ որոշաշկի առաւելութիւն կա սատարելու նրանց, որվքեր ընտրել են ճանապարհորդել աշխարհը այս ձևով: Ունենալով լեւիթոփ, շուկայական հմտութիւններ և գիտութիւն, որ կարող ես վերադառնալ տուն մայրիկի և հայրիկի մոտ, երբ ամեն ինչ սխալ գնա, ցուցանիշներն են այն բանի, որ այս ապրելակերպը աւելի հեշտ է որդեգրել որոշ մարդկանց համար քան միւսների:

### **Վայրերը**

Այսպիսով ուր են գնում թուային թափառաշրջիկները: Ամէն տեղից բացի ամէն տեղ: Ցանկացած թուային թափառաշրջիկ, ով փորձ ունի խորհուրդ կը տայ նորաստեղծ թափառաշրջիկի գնալ Թաիլանդ (յատկապէս Չիանգմայ և Բանգկոկ), Մեքսիկա (Պլայա Դել Կարմեն, Օաքսակա) կամ Իսպանիա (Բարսելոնա և Վալենսիա) որտեղ եղանակը հիանալի է, ապրելը էժան և ինտերնետային կապը համեմատաբար վստահելի: Ինչևէ, Հարաւային Ամերիկան, Թուրքիան, Բեռլինը, Ֆիլիպինները, Գրան Կանարիան, Բուդապեշտը և Վիետնամը նոյնպէս շատ յայտնի են: Չնայած էժան երկիրները գայթակղիչ են, զգուշացէ՛ք դափնիների վրա հանգստանալուց, միայն նրա համար, որ կարող էք ձեզ թոյլ տալ ապրելու թագաւորի պէս Թաիլանդում:

Մտածելով երկարաժամկետ ճանապարհորդութեան մասին, կան մարդիկ, ովքեր չ'ունեն տուն և մտադրութիւն դանդաղելու: Ոմանք ճանապարհորդում են երեխաների հետ, տանը ուսանելով, երբ նրանք ճանապարհորդում են, միւսներն էլ մօտենում են միջին տարիքին: Կան թափառաշրջիկներ, ովքեր անցկացնում են մեկ տարի մի վայրում մինչ միւսը տեղափոխուելը; միւսները կարող են մի քանի շաբաթ անցկացնել մինչ ճամպրուկները հաւաքելը: Մի խօսքով կանոններ չկան:

Մա երևի այն դժուար ընտրութիւններից մէկն է, երբ մեր կեանքի մեծ մասը ապրում ենք մի սենարով, որը մեզ թելադրում է ինչպէս և երբ տեղաշարժուել մի փուլից միւսը: Դպրոցից աշխատանքի, աշխատանքից տան սեփականաշնորհում: Մենք բոլորս էլ գիտենք թէ մեզանից ինչ է սպասվում- լինել թուային թափառաշրջիկ նշանակում է պատռել օրենսգիրքը և գրել նոր սենար, որը հաւասարապէս հուզիչ և սարսափազդու է:

**Տուեալ յօդուածը վերցուած է հետեւեալ կայքից՝ <http://awol.com.au/how-to-travel-forever-without-running-out-of-money/11565>**

**Թարգմանեց՝  
Աստղիկ Աւետիսեան  
Երեւան**

# **WWW.ARMENIANPRELACYKW.ORG**

**ԼՈՒՐԵՐ ԳԱՂՈՒԹՆԵՐԷՆ**

**Թուրք Քահանայ Մը Այցելեց Ֆրեզնոյի Հայոց Ցեղասպանութեան Յուշարձան**

Ներկայիս Միացեալ Նահանգներ հաստատուած թուրք քրիստոնէայ քահանայ՝ Հաքան Թաշթան վերջերս այցելեց Քալիֆորնիոյ Նահանգային համալսարանի Ֆրեզնոյի մասնաճիւղին մէջ գտնուող Հայոց ցեղասպանութեան զոհերու յիշատակին նուիրուած յուշարձան:



Թուրք քահանան յուշարձանին առջեւ զետեղեց ծաղկեպսակ մը, որուն վրայ գրուած է, որ թուրք ժողովուրդը ներողութիւն կը խնդրէ հայերէն: Թուրքը իր «հայ եղբայրներէն» ներողութիւն խնդրած է իր պապերու ոճիրներուն համար:

**ՀՄԸՄ-ի Սուրիոյ Շրջանի Արտակարգ Ներկայացուցչական Ժողով**



ՀՄԸՄ-ի Սուրիոյ շրջանի Արտակարգ ներկայացուցչական ժողովը տեղի ունեցաւ 14 Օգոստոսին, Հալէպի մէջ:

Ժողովը իր յարգանքն ու մեծարանքը արտայայտեց Սուրիոյ տազնապալի կացութեան ընթացքին զոհուած ՀՄԸՄ-ականներուն եւ համայն նահատակներու յիշատակին:

Ժողովը առիթ եղաւ ծանօթանալու եւ քննարկելու Սուրիոյ զանազան մասնաճիւղերու գործունէութիւնները, նաեւ յառաջիկայ գործունէութեան շուրջ առաջադրանքներ բանաձեւեց:

Յառաջիկայ Սեպտեմբերին Երեւանի մէջ գումարուելիք ՀՄԸՄ-ի Պատգամաւորական ժողովին համար Ներկայացուցչական ժողովը բանաձեւեց իր առաջարկները եւ ընտրեց մասնակից պատգամաւորները:

**Վերափոխման Տօնը Ս. Յակոբ Եկեղեցոյ Մէջ**

Հայ եկեղեցոյ աւանդութեան համաձայն, Ս. Կոյս Մարիամի՝ Աստուածածնի կամ Տիրամօր երկինք բարձրացումը՝ Վերափոխումը, կը տօնախմբուի ինը օրերու ընթացքին: Բերիոյ հայոց թեմի գործող բոլոր եկեղեցիները, ըստ ներկայ կացութեան եւ յարմարութեան, Ս. պատարագի մատուցեցին եւ խաղող օրհնեցին: Հալէպի Ս. Յակոբ մատուռին մէջ համախմբուած հաւատացեալներ հոգեկան ցնծութեամբ



մասնակից եղան սոսնական ուրախութեան:

Հինգշաբթի, 20 Օգոստոս 2015-ի առաւօտուն, հանդիսապետութեամբ Բերիոյ հայոց թմի առաջնորդ Շահան արք. Սարգիսեանի, Ս. պատարագ մատուցեց Մաշտոց Ա. քինյ. Արապաթեան, իսկ հոգեւոր պատգամէն առաջ սրբազան հայրը առընթերակայ քահանաներով՝ տէր Գառնիկի եւ տէր Զարեհի, ինչպէս նաեւ դպիրներով ու «Շողակաթ» կիներու հոգեւոր երգչախումբով կատարեց նոր օրհնուած Ս. միւռնով ջրօրհնէք, որուն յաջորդեց աւանդական խաղողօրհնէքը: Ժողովուրդը իր կարգին մասնակցեցաւ աղօթքով ու շարականներու երգեցողութեամբ:



Սրբազան հայրը օրուան ճաշու Աւետարանէն (Ղկ 1.45) մեկնելով, տուաւ իր պատգամը՝ ներկաները հրաւիրելով Աստուածամօր հաւատքի զօրութեան օրինակով վերանորոգուելու եւ վերափոխուելու, Աստուծոյ խոստումները ընդունելու բացարձակ վստահութեամբ, որովհետեւ ինչպէս որ Տէրը Իր բոլոր խոստումները կատարեց Ս. Կոյսին պարագային, նոյնպէս պիտի իրականացնէ Իրեն հաւատացող ու Իր կամքը կատարող հաւատարիմ մարդոց՝ կին թէ այր:

Ներկայ հաւատացեալները հաղորդուեցան Տիրոջ մարմինով ու արեամբ, զօրացած հոգիներով եւ հոգեւոր ցնծութեամբ վերադարձան առօրեայ իրենց կեանքին՝ խնդրելով Տիրամօր բարեխօսութիւնը, որպէսզի պատերազմները լռեն, թշնամիներու յարձակումները դադրին, խաղաղութիւնը, սէրը եւ արդարութիւնը հաստատուին երկրի վրայ:

## **Ռիչըրտ Յովհաննէսեան Արժանթինցի Ուսանողներուն Հայոց Գեղասպանութեան Նիւթով Դասախօսութիւն Տուաւ**



Պուէնտս Այրեսի «Սիրանուշ» կեդրոնին մէջ պատմաբան Ռիչըրտ Յովհաննէսեան դասախօսութիւն մը տուաւ տարբեր համալսարաններու պատմութեան բաժանմունքներու ուսանողներու, որոնք հետաքրքրուած են ցեղասպանութիւններու նիւթով:

Ռիչըրտ Յովհաննէսեան ուսանողներուն ներկայացուց հայերու կեանքն ու գործունէութիւնը Օսմանեան կայսրութեան մէջ մինչեւ 1915, խօսեցաւ ցեղասպանութեան պատճառներուն եւ հետեւանքներու վերացման անհրաժեշտութեան մասին:

Պատմաբանը նաեւ վիճակագրական տուեալներ ներկայացուց մինչեւ Հայոց ցեղասպանութիւն եւ անկէ ետք Թուրքիոյ մէջ հայերու թիւին վերաբերեալ:

Դասախօսութեան աւարտին ուսանողները դիտեցին վաւերագրական ժապաւէններ՝ Կեսարիա, Կապադովկիա եւ Համզէն ապրող հայերու մասին:

## ԿՆՈՋԱԿԱՆ

# Կեանքի Հինգ Կարևոր Կանոններ Քոչո Շանելին

Առասպելական ձեռագետին գերող հմայքը միշտ զարմացուցած է շրջապատը:

Քոչո Շանելը միշտ քալեր է հոսանքին հակառակ. ապրեր ու գործեր է, յաղթահարեր եւ յաջողեր է՝ կոտրելով բոլոր կարծրատիպերը: «Ըլլալ ուրիշներէն տարբեր՝ դիրքին է, սակայն ըլլալ իւրայատուկ՝ բարդ գործ է», ըսած է ան:

Ստորեւ՝ անկրկնելի ձեռագիտուհիին հինգ կարևոր կանոնները՝ ուղղուած բոլոր կիներուն:



### 1.- «Եղի՛ր քու կեանքիդ հերոսուհին»

Շանել նշանաւոր ձեռագետ դարձաւ ոչ ճակատագրի բերումով, այլ՝ իր սեփական ջանքերուն շնորհիւ: Ան ծնաւ աղքատ ընտանիքի մէջ, 6 տարեկանին որբացաւ: Ան մինչեւ նպատակին հասնիլը օրուան մէջ աշխատեցաւ որպէս դերձակուհի, իսկ երեկոյեան ելոյթ կ'ունենար գիշերային գուարճանքի վայրերուն մէջ:

### 2.- «Պարզութեան ձգտէ ամէն ինչի մէջ»:

Իր հաւաքածոները յղանալու ժամանակ Շանել միշտ ընտրեց պարզը եւ գործնականը՝ հեռու մնալով աւելորդաբանութիւններէն:

### 3.- «Եղի՛ր իւրայատուկ»:

Կարելի է ուղղակի հիանալ այս կնոջ խիզախութեան վրայ: Ան հպարտօրէն ականջի ետին կը նետեր իր շուրջ հնչող ծաղրանքի խօսքերը, երբ Փարիզի փողոցներուն մէջ կը պտտեր տղամարդու տաբատով: Ան անվարան կ'ըսէր. «Իմ յաջողութեան գլխաւոր գաղտնիքը այն է, որ ես ոչ ոքի կը նմանիմ»:

### 4.- «Ապրէ՛ քու կանոններովդ»:

Այն ժամանակաշրջանին, երբ կիները առանց շքեղ հագուստներու եւ փետուրներով զարդարուած գլխարկներու տունէն դուրս ելլել չէին համարձակեր, Քոչո Շանել անոնց առաջարկեց տաբատ հագնիլ եւ սեփական կանոնները պարտադրել ուրիշներուն: Անոր խօսքով «Որպէսզի ապրիս սեփական կանոններով, պէտք է հաստատական ըլլաս եւ տիրապետես յամառութեան»:

### 5.- «Ձանա՛ միշտ հրաշալի տեսք ունենալ»:

Նորաձեւութիւնը կտորի, ձեւի, գոյնի եւ բաղադրիչներու միջոցով ինքնարտայայտման միջոց է: Շանել կը քննադատեր այն կիները, որոնք տունէն դուրս կ'ելլէին չխնամուած, թափթփած տեսքով: Ան ամէն օր կարի արտադրամաս կու գար վայելուչ թայէօրով եւ համապատասխան արքեսուարներով: